

og Fiskarlagets Servicekontor AS, avd. Vest

Bergen, 16.05.19

Vår ref. 446/19/BSI/5.7.1.3

Dykkar ref. 16/787-  
19/14111

Lindås kommune

E-mail

## **LINDÅS, EIKEFET OG URDAL – REGULERINGSPLAN STEINBROT OG DEPONI, PLANID 1263-201107**

Viser til brev av 14.05.19, med vedlegg, vedkomande ovannemnde sak.

### **Generelle merknader**

Fiskarane opplever ein stadig større konkurranse om areala, særlig i kystsona. Ein vil peike på at fiskarane i utgangspunktet er positivt innstilt til anna næring og aktivitet, men fiskeri og andre næringar har eit heilt ulikt forhold til bruk av sjøareal. Andre næringar har behov for nye/større sjøområde, medan fiskerinæringa er avhengig av å ta vare på viktige eksisterande fiske-, gyte- og oppvekstområde.

Eksempel på konfliktområde er; oppdrett (areal inkl. anker og utslepp av spillfôr/feces/ lusemidlar), vindmøller til sjøs, reguleringsplanar ut i sjø (friluftsområde i sjø, flytebyggjer, ankringsområde, m.m.), ankring/verksemd i sjø, avlaups-/vassleidningar, kablar, fritidsinteresser (båttrafikk, fritidsfiske).

I tillegg vil ein gjere merksam på at fiskarar får klage frå hytteeigarar når ein fiskar i sjøområdet utanfor hyttene om natta, men òg elles.

Mange meiner at eitt lite enkelt prosjekt ikkje kan skade, men mange nok slike så avgrensar ein tilgjengeleg areal for fiske bit for bit.

Det er viktig at tilhøva blir lagt til rette slik at norske fiskarar fortsatt kan skape verdiar av fiske for spesielt kystsamfunna våre! «Sjøvern» er like viktig for fiskerinæringa, som «jordvern» for jordbruk.



Ein vil peike på at ein kan vere med på å gjere kystsona meir tilgjengeleg for andre ved m.a. å fjerne tau mellom land og bøyar brukt i samband med fortøying av båt når fortøyingen ikkje er i bruk.

Ein må òg vere merksam på at ikkje lyssetjing på land og i strandsona blir slik at det kan blende eller vere til ulempe for ferdsel på sjøen.

Ein vil gjere merksam på at kommunen har spesielt ansvar for å ivareta lokale og svake regionale fiskeriinteresser i plan-/reguleringsprosessar.

Fiskeridirektoratet ivaretar sterke regionale og nasjonale fiskeriinteresser.

Det vil seie at ein i kommuneplanssamanheng skal ivareta både lokale, regionale og nasjonale interesser.

Ein må òg ha med seg at framtidige generasjonar òg må kunne få tilgang til kystsona.

#### **Eikefet - Urdal**

Det blir her søkt om å etablere mottak av reine masser innanfor tidlegare streinbrot som i dag fungerer som sedimenteringsbasseng for steinbrotet. Ikkje endringar i sjøområda.

Fiskarlaget Vest viser til kart frå Fiskeridirektoratet si nettside som viser at det er registrert gytefelt i sjø i/ved reguleringsområdet. Det blir òg fiska i område som ikkje er registrert der. Ein har t.d. «nye» fiskeri som leppefiske og fiske etter sjøkreps.

Ein vil gjere merksam på at fiskerinæringa er basert på fornybar biologisk produksjon, og er derfor grunnleggjande avhengig av eit reint og produktivt kyst- og havmiljø mest mogeleg fritt for miljøgifter, framandstoff og legemiddel. Ein har eit stort felles ansvar, både nasjonalt og internasjonalt, for å oppretthalde eit reint og produktivt hav.

Det er avgjerande for kvalitet, omdøme og marknadsverdi for norsk sjømat.

I tillegg er ein avhengig av å ha eigna areal å fiske på.

Ein ser det som positivt at området, som er grav ut, blir nytta til samfunnsnyttige føremål.

På bakgrunn av ovannemnde går ein ikkje i mot omsøkte tiltak under føresetnad av at eventuell forureining til sjø/sigevatn blir tilfredsstillande reinsa. Ein må sjå eit større område under eitt, og ikkje kvar sak for seg, når ein vurderer eventuelt løyve til utslepp til sjø.

Med helsing

Fiskarlaget Vest




Britt Sæle Instebo

Kopi; Nordhordland Fiskarlag  
Fiskeridirektoratet region Vest  
Fylkesmannen i Vestland





FISKERIDIREKTORATET



- Gytefelt torsk MB
- Gytefelt torsk MB
- Gyteområder
- Gyteområde
- Oppvekst - beiteområde
- Oppvekst - beiteområde
- Fiskeplasser - Aktive redskap
- Fiskeplass - aktive redskap
- Fiskeplasser - Passive redskap
- Fiskeplasser - passive redskap
- Rekefelt - Aktive redskap
- Fiskeplass - aktive redskap
- Låsettingsplasser
- Låsettingsplasser
- Skjellforekomst
- Skjellforekomst
- Tareskogforekomster
- A - områder
- B - områder
- C - områder
- Ålegrasenger
- A - områder
- B - områder
- C - områder